

唐棲志卷三

仁和王同輯

橋梁

惟古棠溪夙號水鄉支河又港脈絡一方矧有墩渚  
在水中央非橋不通一葦誰杭垂虹偃月四達康莊  
東西南北爰志橋梁

近鎮跨大河兩橋

通濟橋

一名廣濟橋又名碧天橋一  
名通濟長橋俗呼為長橋

通濟長橋在唐棲

鎮宏治二年建

萬曆杭  
州府志

一名碧天橋俗名長橋上有

昭恩碑記邑人副使趙銳撰

康熙仁  
和縣志

宏治間鄞人陳

唐棲志

志橋梁  
卷三

一

守清募建橋計七洞嘉靖庚寅橋裂里人呂一素捐  
金修丁酉復捨金重修萬曆癸未天啟丁卯及

國朝康熙乙巳屢圯屢葺辛卯北塊又圯吳山海會寺

僧朱飯一與如意菴僧大生募建甲午十月竣工

按此橋跨大河與里仁橋東  
西並峙鎮居其中如鎖鑰焉

華亭錢福撰重建長橋記惟時同軌歲深四方之車  
轂擊重譯路廣希世之珍輻輳故知杠梁之繫于王  
政匪徒襲典籍而已也縉紳不舉逸之草茅草茅無  
力假助象教於是乎不得已而有取乎金仙氏之教  
焉若迺國朝經理寓內自兩都外分藩以浙為首杭  
又浙之首郡也其邑仁和之界湖德清者有鎮曰唐  
棲其水自天目來奔流震澤疏為三江望滄溟而歸  
者悉于此乎道焉故濶而深梁乎其上者易圯而難  
成其舊梁圯者不知其幾年土人以舟濟故疾風急  
湍溺斃臭載者歲有三四過者憫焉而懼其功之大

莫肯先之者惟鄞賈陳守清道其地目其險私盟于  
心期底厥成積念鬱慮寢存夢形聿起濟利假化如  
來斷息割愛棄妻屏子齋平乃號於其地之善百兩買  
山探石造舟起沉得石若干乃號於其地之善百兩買  
金若干於是聲熾隨懼落阨塹奔告當路審有根  
柢竟翦髮走四方同雞晨號頂拜研突各有助之者  
共得金若干抵松江吾隣夏景昭未有人子見而說焉  
曰吾求嗣善緣良多然未有如道人之誠而所務之  
要也既館且施予聞而嘉之守清既得金歸僦工費  
石爲襪凡七濶二丈八尺長四十六尺乃持呂太常  
秉之所製數語募予予愛施予無蓄儲而待以舉爨  
者猶眾故弗能副而樂道人之善以激勸相成仁人  
利物之心未敢斯須忘也遂爲之言以鑿諸石嗚呼  
嗇是而往交橫閩越之珍商鉅賈凡以充中國之要  
需秦晉魯吳之鐵冶毛剡凡以濟南土之不及與夫  
聖天子之與七大藩服敷奏復逆信使驛郵無論晨  
夕寒暑風雨晴晦如履平地無顛覆之虞者伊誰之  
功歟以吾儒事而假力於金仙以縉紳而售志於草  
茅以藩臬所莅耳目所及之要而卒成於疏遠之人  
是亦可爲世慨矣則夫遠人成之而居人壞之已廢

唐樓志

卷三 志橋梁

者起之而既成者不思修之受命于天子之庭食其  
地役其民安享其成而往來其途不圖增重其功而  
故坐視其敗而不續舉之者亦獨何心哉若夫守清  
之誠與夫諸士之樂助者其有爲而爲無爲而爲吾  
皆不可知而過其地獲享其安者是則守清諸善士  
之所安也其在天者非吾所測守清不欲自著其善  
故悉諸善士之名書諸石宏治十一年戊午冬十月  
二日甯波府鄞縣化主陳守清立一湖州石菴蔣瑤  
撰重修通濟長橋記唐樓南北通衢也跨溪有橋額  
曰通濟肇自前代漫不可考久益傾圯往來病之宏  
治甲寅方外陳守清者謀始重建工費浩大艱于厥  
成時武宗皇帝尚在青宮敬承聖慈仁孝太皇后懿  
旨遣官徧施名山大川清逢其適得賜白金若干并  
會眾竭力始克竣事爰立貞石構庵守之歷今三紀  
矣河廣流深波濤洶湧奔冲爲患橋用崩裂守僧方  
毓憂焉號于有眾于是鎮之義士共捨金若干屬毓  
董治橋舊爲洞凡七議塞其中旁之二排木于底貫  
石於中累而積之愈實愈重水或冲激本固不撓眾  
謀協同迺始事事無何毓率厥徒廣壘成之歲數水  
害功力益巨自庚寅迄甲午乃濟計工千百物料稱

是是故不可無記矣天下事成於前必繼於後乃可  
久成而不可壞茲役之獲成也其艱如此自是以往可  
不知所慎哉予承乏冬曹橋梁固政者所急也政  
在養民雖勞不怨潦洧有惠後世病焉矧是舉成于  
下不煩于上私其值不役于公成于下所以昭義私  
其值所以昭仁仁者政之紀也義者仁之推也仁立  
義宏可以觀俗民淳俗厚可以觀政舉天下而皆唐  
棧焉則有政者可無憂矣不尤有當紀者乎重夫呂  
子克厚之請遂述修建之始末若夫尚義捨財者法  
得附書其名氏于碑陰俾後之當有所考也嘉靖十  
四年乙未春正月碑石五舍其地聯帶江湖接引甌  
橋碑記唐樓去浙城不五舍其地聯帶江湖接引甌  
越縈洛吳會使傳之經行商賈之走集徒旅之往來  
既以會道之冲而湊津途之要又其大溪中橫曠岸  
並晚市區氓棹鱗次櫛比北鄉左右越墟出販者晨  
馳夕驚肩摩跡累溪渡則艱徒涉則危故非跨津設  
梁則履轍不通響喚靡應非所以續地脈接風氣濟  
利而便安者也通濟之有橋古矣歲久傾廢莫究遺  
跡宏治甲寅有陳守清者募財重建工鉅費殷久莫  
就緒事聞中禁時太皇周后位長樂康陵在東朝咸

唐樓志

志橋梁

遣官賜鐵橋克遂事然溪之上遊實受錢塘諸山之  
水當其大發則徑冲旁注水為橋拒則湧為波濤旋  
為激湍澎湃躍擊撼橋幾墜裂議者為物虛則受攻基  
實則承固茲橋過水之洞七究厥多虛實召善毀推  
是眾議募力塞其二焉曾無幾何虛為實乘中以邊  
掣橋之主洞掀走載形崩潰可待呂君廷潤觀而興  
懷謂其二子坤與需曰鎮之有橋吾先君尚翁嘗兩  
助其役今須更治度費四百金吾籍成業力可辦也  
若輩其相予必繼先德遂集工改構砥以堅椿圈以  
巨珉範金以鈎其聯灰蜃以彌其隙其駕鼇屹其贖  
月偃冲則莫斲旄也罔害履道之便而啟途之通至  
是橋可無替矣工既竣耆民陳禮輩以上之分泉水  
庸庸使相與嘉嘆亟下教獎焉守橋道者廣鑿就  
予請記維先王之教曰利人曰通物是故杠梁之時  
夏令則著橋道在蜀武侯維飾蓋事存通利則在政  
必先然大觀弗梁病乎君國乘輿濟涉譏在執政何  
者事任在上故宜無責於下也呂君一里士故能治  
辦有國有政者之務先王之教不戒而率充是心也  
悅人非其事矣於乎使世皆其人里皆斯舉甯有賦  
苦葉者與抑是役也慨捐樂為呂則急義保功告事

里則向方賞勞率作官則知政義以倡務方以導俗  
政以勵眾務倡則集俗導則募眾勵則起事之聯美  
者也宜刻貞石銘之以詩維茗之南浙川之陽  
右澤右鵝島作鄉大溪南來既折既東受涓納溪  
赴江呼則洪斬焉兩崖氣勢中絕三時望洋行旅艱涉  
鳥江呼則洪斬焉兩崖氣勢中絕三時望洋行旅艱涉  
成于積費幾圯者再樂輪者避有偉其士蹈義弗辭  
視痾在躬捐金若遺作者百夫給者一其功徒信厥便  
蚩虜之守往來幢幢車輿駢曷知為功徒信厥便  
父詔子嚴祖德孫闡尚父有後奕世其衍逝川汙汙  
長虹壓津有訊厥成視我刻文嘉靖庚子夏四月朔  
立附修橋歲月碑記是橋之修一素之焦公蛟峰張  
千丁酉仲春越七月工竣憲大夫黃山焦公蛟峰張  
公兩嘉獎之又以成一水利之美寓勵俗之仁也夫黃  
山之負地方之重蛟峰一任水利之端均所事者一素舉  
之二大夫彰之善哉一素呂姓諱塘字廷潤郡仁橋  
人予在通家嘗聞其略用補水南之遺此名與此橋  
而俱存也龍江源識許令典募修唐樓長橋略唐  
棲巨鎮也省直舟楫輓輸所必繇孔道也茲秋七月六  
老往來於橋下而其成毀漠不關心也茲秋七月六

唐樓志

卷三 志橋梁

四

日以逆送唐遜庵於途閒步橋庵見龍碑於佛前則  
孝廟時聖慈仁孝皇太后洎武廟青宮時所賜金錢  
籍也庭有舊碑於左則宏治戊午雲間錢鶴灘殿元  
所撰文也文中云緇紳不舉逸之艸茅艸茅無力  
假助像教又云受命于天子之庭食其地役其民安  
享其成而往來其途不圖增重其功而顧坐視其敗  
獨何心哉錢先生責備懇至乃爾能令愧汗浹踵  
次日晤唐參知瞿然曰誠吾輩之責也夫即許捐資  
以俟返雲之日耳又一月晤宋支石別駕亦述此別  
駕又瞿然曰茲吾署所棲所隸有專責者其敢委  
諸許醜資以承參知志願以闡事董將作卒無  
間願子大夫代述以爲經始計重九後三日橋庵僧  
顯林過余曰闡事將竣濟鷄將返徒杠輿之期將迫  
弗可需矣因承兩公祖之命述其崕略以釋愧于錢  
先生云爾若落成而爲之記以俟君子天啟丁卯九  
月羸史許令典薰沐書之記以俟君子天啟丁卯九  
里有長橋蓋通衢也北達京師南接閩粵凡有事四  
方者無不由茲利涉焉余卓氏自先世以來聚族于  
此斯橋之存屢經墮復而再造于有明嘉靖之丁酉  
則邑先輩呂廷潤力也太守黃山焦公水利蛟峰張

公嘉獎之迄今歷年茲久日漸頽圯圖維鼎新事匪  
易集顧念此橋之興廢通里所係亦行旅攸關水至  
此而潞泗舟從中而迅邁今雖物力艱難而人咸樂  
勸誨口量功略址程費董其役者則五保領袖葛君  
公則肩其費者余弟子孟偕諸善信實為首庸而因  
舊無更視昔培壯庶幾引纜之堤永為輻輳之所跨  
虹之偃鬱為培厚之基矣夫橋梁國務所急載諸工  
典亦王政之一事也詩云周道如砥其直如矢唯修  
舉得時斯遵途有自斯橋之利又豈淺鮮哉第思自  
嘉靖迄今百有餘年趨事維勤鳩工如赴吾里之  
輕利急公始終如一余故援筆為記且繫之銘銘  
曰顧茲西水川流浩浩維彼何梁為浙孔道我石既  
攻我材既同厥址維舊厥功以崇王途既平禮讓成  
俗陂隄如雲除道相屬矯如蒼龍偃立于波蜿如長  
虹下飲于河福祿攸同德澤以茂洽和仁人文石並  
久時康熙癸卯秋之吉徐士俊撰重修長橋碑記  
自武林達京師數千里之間衣帶水也而唐樓一鎮  
自當水衝闐闐成林蔚然聚託蓋絳舟者百丈縱橫  
孔道交錯所謂長橋者咸有榜人駟卒之跡焉其為  
利濟也良溥聿稽此橋之所繇來遠在明朝宏治間

唐樓志

志橋梁

五

有僧守清本四明陳氏子偶有所激遂發是願直走  
長安曳數丈銀鑰高呼燕市驚動深宮首蒙皇太后  
賜賞因而諸王宮主以下暨大小臣工罔不施給其  
金皆郵致杭州僧歸而橋之成也若流水矣惟是歲  
月既深傾欹屢見舊麗水為七道者本於形家之說  
而障其二焉於以堅固斯橋若中道而扶植之也近  
年以來橋石復裂見者危之推葛君公朗為首相與  
患于是里中老成練達之士推葛君公朗為首相與  
召公估費約得六百金卓子孟孝廉慨然任之擇日  
興工去其壞者補其新者整其凹凸而不固者費其  
鉤結而能連者數月之間邪許聲聞徹于市廛計所  
費又溢於六百金之數則為之稍廣募冊佐厥成功  
彼熙熙而往穰穰而來者誰不利濟不永永乎古稱十  
夫者老相與以有成也其為利濟不永永乎古稱十  
一月徒枉成十二月輿梁成此其在齊魯燕趙之問  
歲歲修焉者若夫大江以南其土不浮一成厥功  
可以百年無患其起而補救之者是真能萃山川之  
靈秀助物力之豐盈者矣豈等於天際之虹垂銀漢  
之鵲填徒資美談也者聞之新安有河西橋兩家爭  
造甚而交訟公庭亦云好名之過以我里之長橋視

之則創始原在朝廷添脩宜在里黨俱有美之可紀  
曾無爭之可平是舉也卓素不得專美於前矣爰為  
嘉靖十四年重修之於石一素不得專美於前矣爰為  
之記其歲月而書之于石一素不得專美於前矣爰為  
日重建長橋告成里人曹岷書事古來興梁利民涉  
王政於此占休嘉西溪長橋告成日張燈徹夜何繁  
華恍疑元宵只無月擬金伐鼓喧鄰家新桃舊艾夾  
黃紙靈符蟹篆霏川砂富者賽神或羅拜無非徼福  
兼祛邪梨園法曲數十部崇臺裹綵窮驕奢繁絃急  
管頰嘈雜觀者簇簇蜂排衙龍門纔合吾已寢起看  
野馬飛窗紗昔聞此橋號通濟橋虹偃臥苔之涯緣  
塘百貨湧闌閭居民兩岸環兼葭四十五里近關口  
舊時設務嚴稽查昭恩碑記太僕筆可借黃絹凄蟲  
哇只今屹然還舊觀腥風發發來魚蝦布帆無恙烟  
波濶佔泊何異浮仙槎篷窗日落奏橫笛危檣風定  
躡神鷗兩朝宏願出衲子謾言功德同恆沙金錢不  
須頒內府眾手合成山堪拏捆馱結束任馳驟晴空  
輒轆聞雷車陽侯弗怒浪花息杯渡永免淪胥嗟明  
朝送客過橋去踏歌間步關干斜

唐樓志

志橋梁

按曹詩實紀事也徐記無年月得此詩足補徐記

之略而知修建之年月焉故附碑記之末

呂需長橋晚眺詩遠眺成高陟因之解睡魔碧天秋  
水渺紅樹夕陽多到岸搖酷旆連舟起棹歌欣逢謝  
康樂吟嘯更如何張郟留長橋步月二首月滿東  
村樹登橋夜未闌千帆留夜色萬戶瑣春寒鳥鵲樓  
難定魚龍臥未安自憐空慷慨把劍向誰彈占橋  
新月上獨我夜深看舟火紅翻浪春星白滿灘影  
孤樹淡光助九霄寒回首悲征伐風塵老鵲冠陸  
隼長橋夜泊詩犬吠出茅屋曠野人盡歸燈火熠  
店月明浸寒輝采麀長橋晚眺詩長橋高跨實雄  
哉我獨披襟爽氣迴萬里雲霄深雨露千家燈火  
樓臺題橋空有相如志作賦愧無子建才明月滿  
鳥鵲起不勝搖落思堪哀陸進長橋步月詩一片  
清光兩岸分永明禪寺暮鐘聞幾羣鳥鵲歸村樹  
點帆橋出水雲宮律長橋步月詩飛虹遠掛碧天  
橋幾曲溪流入市遙處精藍周梅竹呼吸通座側瀨  
雲高采麟碧天橋詩虹橋蘊鼈柱呼吸通座側瀨

氣冲星辰水天長一色  
曹岷中秋夜長橋步月詩  
歲歲虹橋占勝場  
勇餘雙脚當蒸牀興豪肯負中秋  
節作達須尋卻老方席地友朋傷聚散  
炊茶兵子話  
興亡不知水淺牛猶浴  
浩露沾衣夜未央  
長橋晚眺詩水澗暑全退  
溪橋縱日游遠山名畫意  
黃葉寺門秋津鼓臨風急  
雲帆近步收匆匆歸路晚  
燈火照街頭  
韓應潮長橋晚眺次朱少郭韻雨洗  
山光淨登臨極  
騁游溪橋紅蓼色樓閣碧天秋晚市  
漁舟合長空雁陣收  
忘歸看月上吟興屬遨頭張薈  
晚毓文中秋後三日偕  
珊林琴溪由碧天橋步月而  
歸詩鯁編鷁泊盈塘  
一水中分兩縣  
疆洵是閒中多逸趣  
碧天橋上擁清光

里仁橋 在唐樓 康熙仁橋舊有關帝廟崇禎末年里

人建文昌閣至順治癸巳竣工 樓里景橋北為清流

禪寺 武林始建末詳攷嘉靖圖書編運河圖云此地

有車橋疑卽此橋雍正甲寅圯住僧宏仁里人宋大

唐樓志 卷三 志橋梁

忠倡募重建乾隆辛未

聖駕南巡治道者急于修理卽以三分橋之舊名仁壽橋移

鑄于此其實里仁與仁壽兩不相涉不免互舛啟後

人疑矣 按此橋跨大河與通濟橋東西相對如鎖鑰

近鎮河北各橋

仁壽橋 一名外新橋一名南新橋今名三分橋 南新橋在唐樓 康熙仁和縣志

橋名三分東有呂庵一名淨土庵橋內為文選司周

懷素故里橋之西為邵康僖故里舊名仁壽橋 樓里景物

略 相傳元至正間建乾隆丙寅圯里人宋銘等集貲

重建嘉慶時宋大樽牧牛村舍卽在橋東咸豐庚申

此地賊踞作營片瓦無存橋亦燬同治初年由里紳朱學勤請大吏撥款重建鐫曰三分橋

北新橋一名裡新橋北新橋在塘西康熙仁今名裡新橋和縣志

乾隆初里人重建

觀音橋 在火神廟側

西觀音橋 在東觀音橋對岸邵家堦口

外婆橋 在清流寺側通三分村路

王家小橋 在里仁橋東堦

聞家橋 在聞家澗口臨大塘小平橋也俗稱為梅家

澗橋橫其口以通塘路

唐棲志

志橋梁 卷三

大河壩橋 在添設府西

順德橋 在大善寺之東里人沈順德建故名棲里景物略

橋跨支河亦臨大塘以通塘路

石灰橋 順德橋內不數武平橋是也橋北舊有英濟

侯廟順治間里人遷于廣濟橋棲里景物略相傳建長橋

時所用石灰積于此故名

以上三橋並隸德清十六都三庄

近鎮河南各橋

圓滿橋 相傳陳守清造長橋餘費建此以功德圓滿

故名在長橋南岸之西往西茶亭資慶寺者必過此



橋跨支河臨大塘與大河之北順德橋隔河相對

餘橋 在王莊基南亦以建長橋之餘貲建此橋故名

雖在近鎮已屬鄉村

彭家橋 在餘橋北近綠野庵南為水南后土墓北為

花園墳其直東即水南廟

康家橋 水南后土相傳為福王康妃故花園墳有康

家橋 樓里景物略 往水南廟者西則康家橋西北則吉家

橋非此二橋此墩不通

吉家橋 在吉家澗馮如璋翠紫湖詩有跨驢尋過吉

家橋指此其南即水南廟 以上各橋皆在鎮西南隅

### 唐樓志

志橋梁卷三

九

花園橋

在市河口名北鎮橋

在豐稔鄉

萬曆杭州府志

宏治間里人

陳景清建因名海鹽張甯為作花園橋記 樓里景物略 年

久將圯乾隆丙寅夏四月里人陳子口等倡建舊未

鏤字重建時訛作華圓橋 樓乘類編 橋橫市心跨市河咸

豐辛酉兵火損圯里人姚桐聞汝翊重修鏤橋石曰

花園橋以仍其舊

海鹽張甯重建花園橋記唐樓為仁和巨鎮鎮之要有川中斷東西兩壩相望雖盈盈數丈閒非梁梁比而往來者塞則均病焉鎮之義士景清陳君號於其族之人各捐金為梁於川之上不再閱月告成甯以王事入武林維舟橋許聞市人談君義子義其人往候焉公以橋之名問余曰子花園陳氏裔也以名宗之裔而能創前人之所未創豔陳之宗多矣盍名其橋以花園景清君辭不居余曰堰浮山潰而

傷靡功濟溱洧惠匪政靡功其君之結構乎人情鳩  
而潺大功必謀諸眾而君止謀諸族人情作舍猶謀  
諸道而君則斷以已慮枉之莫通輿也而梁之慮木  
之亟而朽也而石之神以倏虹跨慢亭也完以固即  
天成天台也雄以壯無異巍然天津也君之功其偉  
哉表橋以陳之居則居者以橋勝因橋以表君功則  
行者知君功又使為君之後者因橋之功而公其心  
以制行則君之後必有利濟天下之英賢者出焉奚  
止為斯橋之利濟云  
弘治庚戌冬至日

月波橋一名橋在胡家橋北卓月波宅前故名橋在市

心樓里景跨市河在花園橋之南

徐士俊重建月波橋疏世有一時之廢興關乎氣運  
一時之舉動應乎人文雖三尺童子皆所樂得而大  
人先生尤當首創予家遷於棲上二十餘年幼所傳  
聞尚能記憶懿此聚廬託足之地實稱四遐五達之  
塗乃一鎮之中其名為市科甲於焉不絕文章是以  
蔚興如卓月波長者之結納五侯胡休復先生之冠

唐棲志 卷三 志橋梁

冕一世沈存濟之端莊清範張星石之厚德好施固  
云人之傑矣豈曰地無靈乎其在於今相去不遠何  
以東西水之如何大小山之靡瞻厥有形象其地  
脈謂在昔有三橋之影互若長虹於今失一橋之橫  
似嫌斷梗是橋也象川字而居中按五行而從木名  
則因卓利則同人自經圯壞以來日思恢復之計與  
其新也甯舊與其革也甯因若可遲遲奚容喋喋凡  
茲巨室幸各捐貲即同月波之復生無俟天根之乍  
見倚曰青蚨未集難教鳥鵲填空夫錢原是泉固應  
施于水上而中還屬中尤宜造乎市心况梵刹可捨  
道路可捨飢寒可捨何患此橋之不易成雖號重修實  
名可成富貴可成何患此橋之不易成雖號重修實  
名創舉謹  
疏以聞

胡家橋今名東龍禾橋在胡庶常第前故名屢經兵火光緒

丙子里人夏之城張篤汪道生汪景春集貲重建橋  
跨市河極開市處

玉龍橋 此橋亦跨市河在東西小河之南車家橋之

北

車家橋 舊亦名月波橋 在芳杜洲卓月波建故名月波今名

車家橋在玉龍橋之南亦跨市河居市河之極南過橋以外則石目港矣

入字橋 在永和鄉 康熙和縣志 相傳此橋創建最古堅固

不埒橋東迤北為翠紫湖橋西即橫潭韓應潮蒹葭水榭夏之城超山別墅東西相望而橋橫其中

東龍橋 俗稱馬家橋 邑志東通市橋疑即此乾隆戊寅僧

得一重建跨東小河口進此橋即東小河達翠紫湖

唐樓志

志橋梁 卷三

十一

而東至八角亭

西龍橋 一名石家橋俗稱小橋 在永和鄉 康熙和縣志 邑志西通市

橋疑即此跨西小河市口與東小河之東龍橋相對

俗亦名碗架橋又曰三步橋在俞家灣同治庚午西

小河社人重建財神堂并建橋亭

安樂橋 在西小河咸豐間里人重建在西龍橋之西

蔣家橋 俗名皮匠橋 在花園橋之西塊舊名北通市橋近

市口跨北小河

永思橋 一名思古橋俗訛作師虎橋 在元壇堂之前跨北小河近

姚致和堂為由市中往蒼橋水南廟必由之路

倉橋 在巡司署側昔為常平倉址故名跨北小河出

此橋而南即聖堂港為聖堂角為橫潭

臥龍橋 今已為街道 唐棲福王莊側有臥龍橋 古今圖書

集在通濟橋東即俗呼水溝 古名紅粉溝 街之石板橋里

人張振侯范文洲吉自在重濬溝水鑄其橋之板曰

古臥龍橋朱磨唐棲雜咏臥龍橋下水聲遲指此也

棲里景廣一弓六分相傳為福王納涼之所暑月無

蚊 青波生今已塞而形迹略具邑之糧戶稱為洪福

官溝四字以訛傳訛

朱磨唐棲雜咏詩臥龍橋下水聲遲洗馬池邊草欲

唐棲志

卷三

詩白龍偶魚服出游在人間片石容高枕蒼苔萬古

寒臨平王孝先紹曾同棲水諸公飲臥龍橋酒樓

白裕諸年少相携共登樓上頭樓頭室東風颺金

樽滿注葡萄釀曲曲春藏翡翠屏溶溶月映櫻桃帳

諸君酌我酒我今對君歌桃花撲面遮羅扇楊柳垂

絲拂綠波須解春光惟九十花開不醉奈如何我聞

前溪女兒白鳩舞激楚迴風健如虎貴客傳呼出繡

萬安橋 一名童舊為木橋雨雪難行康熙己丑里人

創建石橋名曰萬安內為汪家澗

東陵橋 在東市角之東內為小澗

順則橋 上覆亭曰順則亭昔狹窄乾隆間里人加濶

行旅便之內為小汪家澗不通河道以上三橋皆臨

大塘跨支河以通塘路為南岸東市之要路

大東陵橋 在東石塘乾隆壬午里人宋兆英等倡修

一名獅子橋對華光堂門口

南鎮橋 在唐樓今塞康熙和縣志

樓鎮由西茶亭沿塘至王家庄內外村落各橋

半路橋一名南半路橋 在官塘路上

曹家橋 乾隆丁卯里人重建在官塘路上

北馬家橋 南馬家橋 在伍林頭炮臺東西

唐樓志 卷三 志橋梁

安橋一名平安橋 在豐稔鄉萬曆杭州府志竹隱庵西為安橋相

傳嘉靖間倭寇至此即回土人因易其名曰太平安

橋樓里景物略 在大塘康熙和縣志

下總管橋 在清水港外塘路上

新莊壩橋 在白河潭外塘路上

莫家壩橋 在新莊壩橋南塘路上

木杓潭橋 在大雲鄉萬曆杭州府志王家莊之東塘路上

吳穀人木杓灣見梅花二首病臥虛堂藥成祟寒僵

破破春無功出門一笑忽明眼乾雪冥冥潑一篷

何遜詩來官閣餉林逋鶴罷小亭招  
只愁歌吹喧無次捲起餘酸上晚條  
鴨闌橋 在大雲鄉萬曆杭州府志或作鴨闌在大塘康熙和縣志

普寧飯僧渡河寒暑濟舟為難僧海瑄於南岸修造

鴨闌橋於橋下建庵飯僧往來便之胡允嘉撰募修鴨闌橋疏余好嚴棲與禪生相偶每

問出世之義多以無念無營為宗一切緣業目為漏

果然靜息之侶心燈意絮飄然不禁似不若持一念

營一事者真實可據矣普寧僧理向嘗乞予疏飯干

人復乞予疏募鴨闌橋余皆不辭欲其以有作之力

證無住心不許其妄談虛空也雖然古者或造以舟

梁於木略徇而權石扛為倚名不必同皆存司險以

知其阻達其道而從時治之晉魏以還浮屠為政

所稱星文虹勢瀉漢凌虛者半設鬼神之功資體腦

之助為善信福利而上不與焉今我仁邑吳公三載

政成川梁河厲莫不具舉過而問於鴨闌橋惻然命

理捐金課績所為妙心流布觸景而至豈徒以勝緣

善業已耶杜元凱創富平津之議上舉杯勸之日非

君橋不立也則成橋乃啟塞之急務必關主上之聽

矣余因語理曰女於水涸石見之時屬眾而告以仁

父之至意兩岸累石更相鎮壓陞階鱗比如雁有齒

唐棲志

卷三

倚橋而東築以茶寮使窮途逆旅之子裹裳而往望  
廬而息可以無躊躇嘆洋龜手削脛之苦斯亦公之  
慈航寶筏也可無勉哉有問橋名于僧理曰鴨闌也  
鴨激水而成闌也或曰鴨闌也其何指余見李白有鴨  
其名呼之或曰鴨闌也其何指余見李白有鴨  
蘭驛詩襄陽有豬蘭橋俱從蘭按記蘭與欄同張文  
昌詩亦云水鎮應多養鴨蘭則鴨蘭之義近是因寫  
募緣疏而并記之王同按七修類稿訛名類云仁  
和七都橋有橋曰鴨彈子意當時取名必曰壓瀾亦訛  
之名也郎瑛所云疑即此橋然則又可名壓瀾矣壓瀾  
鴨遂訛瀾作欄矣

宋家橋 宋家路橋在大雲鄉萬歷杭州府志 在大塘康熙和縣志

普安橋 在大塘康熙和縣志

三家村橋 在大雲鄉萬歷杭州府志 在大塘康熙和縣志

朱鹿田再過三家村憶庚子年泊船處寄懷丙子項  
宜人詩客路悲涼我獨經落船山遠隔湖青孤村暗

記離鄉夜雨在佳人枕上聽孤另還鄉暗自驚畫紅  
空剩戍樓名無端擾亂秋園夢一半風聲替鬼聲遙  
望歸期臉淚流水邊殘照又當樓門  
前便接邯鄲道莫謝春風倚怨愁

觀音寺橋 在東港內康熙和縣志

油車橋 在東港內康熙和縣志

白鶴渡橋 在集慶寺莊橋北成化杭州府志在白鶴渡

北莊廟橋 在東港內康熙和縣志白鶴渡東南

葉家新橋 在鴨闌村東

南草路橋 在大塘康熙和縣志

東馬斜橋 在南馬村橋北獨山東洪武十年重建成化

杭州府志

唐棲志 志橋梁 卷三

南馬村橋 在青龍橋北永樂九年創建木橋後圯天

順四年里人李致良陸孟恭建石橋成化杭州府志

橫涇橋 在大塘康熙和縣志周天度詩黃涇橋北獨山西

指此

千家橋 在東港內康熙和縣志橋石鏤曰居駕在獨山西

南有村市

陳黃橋 在東港內康熙和縣志

北馬橋 在東港內康熙和縣志以上三橋俱在港內地名

橫里

山後橋 在東港內康熙和縣志獨山之後有村曰山後路

王店橋 在肇元鄉萬歷杭州府志東港內康熙和縣志

新橋 在東港內康熙和縣志按橋石鑄新新橋同治六年

里人重建在嘯虎漾雀桿廟前

甯福橋 在姚家灣向為木橋嘉慶戊戌里人公建

萬松橋 在栢樹灣過東即山西木橋泰山

螺螄壩橋 在栢樹灣之北過西即白鶴渡

棲鎮由大善寺西伍林村往奉口或往永泰葛墩

金佛寺普甯寺各橋

楊家壩橋

北半路橋 橋下有半路亭光緒十四年鎮海孝廉方振玉建此亭以息行旅往來便之美舉也

唐棲志

志橋梁 卷三

其

馬家橋 乾隆辛巳重建

伍林高橋 創建無考屢圯屢修棲里捐貲雍正丙午

李宮保衛重建以上四橋俱在大塘隸德清按德清

邑志有大洞高橋疑即伍林高橋

徐士俊代里人金陞募重建伍林高橋疏自漢以來山河大地皆佛子津梁也彼其挾一片宏慈經涉險遠目之所觸咸生護持不獨精舍寶坊琳宮梵宇為大眾皈依地者指不勝屈即斷港絕潢待乘輿而濟者一二高衲必起而經營之以為此接引之一端彼岸之勝果爾先王之制歲十一月徒杠成十二月與梁成此則中州風景茅店板橋或以歲計或以月計江以南則不然靡金錢千百累石工數年一勞永逸垂利無窮又非牽茅補葺月庀歲修者比也余卜居棲水三十年見武林運河垂虹橫跨者從權關至棲上而始以長橋名其在伍林港分流至茗之際絕無津梁往來之人呼號罔濟予甚疑之詢之故老云先



是原有石橋嘉靖乙卯間倭寇犯杭杭水陸皆為戰  
場橋因以毀茲有方曉空兩上人發大宏願將為  
此地作萬億互如帶如俾負擔之夫可以輩往輩來  
優游無礙豈同海上百天花天邊靈鵲幻妄不經徒資  
佳話已哉第興廢有數當物力尤艱之日作此等籌  
畫或者遂指為迂不知所作非迂也利濟之事當與  
眾謀普度之懷要須獨任昔蔡端明向泉州萬安渡  
興建宏功照耀今古若竊比其百分之一亦可鼎峙  
茲方此則兩上人之猛願耳凡我杭湖仁人長者苟  
有利物之心必能為此橋作涓涘之助倘亦較移山  
填海猶為易者乎他日橋成亦兩郡之勝概也不  
佞一片婆心不得不代老僧饒舌矣謹疏里人金陞  
題

冷泉壩橋 其地即名冷泉壩

西木橋 在黃泥灘

五福橋 在伍林港口乾隆間里人重建成豐年兵燹

唐棲志

志橋梁  
卷三

七

時隔河築炮臺即對此橋同治間里人重修

觀音橋 在東塘乾隆閒里人重建

東新橋 在東塘橋東南萬歷杭州府志

東塘一名大環橋 在東塘村里人張誼重建成化杭州府志

葛仙橋 在葛墩葛仙翁祠側棲里景物略

磚橋 在葛墩村

大雲莊橋 在永泰里康熙仁和縣志

陸郎橋 在永泰里康熙仁和縣志

橫街橋 在永泰勞家村

勞家陡門橋 在勞家村成化杭州府志

大阮橋

杜子橋

永思長橋

世濟橋

舊名柴店橋康熙仁  
和縣志以上四橋俱在永泰里

左近

廟前橋

在永泰里康熙仁  
和縣志

屠家橋

在永泰里康熙仁  
和縣志

金佛寺橋

在金佛寺前

平宅橋

在平宅一名渡船橋

棲鎮由莊西漾六墓村或由洪澄潭往繁楊斗灣

唐棲志

志橋梁  
卷三

十六

或由丁山湖往泰山西南鄉各橋

俞家木橋

在莊西港之西道光間重修改建石橋

太平橋

在六墓村東棲里景  
物略

鴨頸橋

在莊西港之南其北岸為  
朱以泰墓

盤楊石橋

在盤楊村

丁家庵橋

在盤楊村

莫庵橋

在斗灣里久興廟前

仲公橋

在馬家埭過東卽大理寺朱學勤故第

山西木橋

在雙杵山北乾隆甲子里人重建按邑志

云在小環橋西明洪武初重建卽此橋但不知所指

小環橋在何地不可攷

接壩橋 在永和鄉萬歷杭州府志大石頭東進香超山者多

泊舟此橋下

泉井橋 在泰山按成化志云泉井橋在下環橋西洪

武初重建惟所稱下環橋不知後改何名不可攷矣

泰山村橋 泰山下有村村有此橋並見邑志

林銘花朝日借夏超墅徐旭亭泛舟至太山村店橋登岸訪南莊小隱詩一路鶯聲細柳中橋頭初見海棠紅春風好與人吹拂任著芒屨徑轉東小隱山莊別有天雜花隨意弄芳妍四圍桑柘門長閉勞我穿林更度阡按林銘字少和唐樓人

范店橋 在孫巷橋南永樂元年重建成化杭州府志

唐樓志

志橋梁 卷三

九

清店橋 在大悲橋東洪武間重建成化杭州府志

大悲橋 在南鮑橋北永樂八年重建成化杭州府志土人呼

為吳大皮橋故康熙仁和縣志作吳大悲橋今按在

南鮑山之麓明太師朱國楨之墓道即在橋之西岸

南鮑橋 在大慈橋西洪武間重建成化杭州府志按大慈實大悲之

訛各志皆因之而訛今宜改正

鳳凰橋俗稱老鴉橋 在水紅廟前明季建

下花橋 在劉墳村 國初建

上花橋 在石塘上明季建

秀野橋 在新開河嘉靖間太學生丁之喬新建以通

墓道俗呼爲河上橋東通屯里西爲太山游海雲洞者於此停橈

棲鎮由市南石目港往丁山湖東南青林村軍屯里各橋

吳家小橋 在三官堂對岸舊名莫那橋

小橋 在治庵側

小石橋 在治庵西南

唐家橋 在安田圩橋之左近唐姓聚居咸豐兵燹後里人重建

觀音橋 在丁山河蓮塘圩北觀音堂門口橋之左右

唐棲志

志橋梁  
卷三

臨水百餘家自成村落庚申之劫鎮爲賊巢貿易者聚此成市

李家壩橋 在三官堂北

丁山橋 在洪家漾南乾隆戊寅里人重建橋東卽瀆

山塢爲泗水六觀兩庵門徑相傳丁樂善創建

張婆橋 一名永和橋

在永和鄉 萬曆杭州府志許家河西口游將

軍殿化城庵者於此停橈橋柱聯云此閣半是漁樵路隔岸常看龜馬峯

網墩橋 在青林廟對河地名網墩俗訛作孟墩又按

橋有二曰東網墩橋西網墩橋

蝦蟆練橋 在管山西

回龍橋 在蝦蟆練橋陳家木橋之中

陳家木橋 在白馬坑東

馬公橋 在軍屯里陳家木橋南

新橋 在陳家木橋之東白馬坑相公殿前向在馬公

橋西北蓮花庵前明季遷此

扶闌橋 在馬公橋西

白栗山橋 在永和鄉萬曆杭州府志洪家港東周天度詩云

白栗橋橫第幾灣

攀龍橋 在馬鞍山東北皇姑山之麓青林村之西

唐棲志

志橋梁  
卷三

東街橋 在青林村

北街橋 在土山埧西南

青林壩橋 俗呼額橋乾隆乙丑里人重建

太平橋 乾隆癸未重建以上兩橋俱在青林村

土山壩橋 在土山壩

附鳳橋 在土山前

棲鎮由八字橋東往界河全漳各橋

碗舟橋 在西界河

郭婆橋 外郭婆橋 在中界河

包家石橋 周家石橋 在東界河

竹節關橋一名促雞門橋 上南卽攀龍橋東卽全漳

長板木橋

張家壩橋 在白華漾

聖堂橋 在灣裏

鳳凰橋 在橫墩山東

長橋 在丁西宅

丁宅壩橋 按丁西軒故里在此

西塘橋 在泉漳村里人丁之喬建

廟橋 在泉漳大廟之西

吳橋 在廟橋之東

唐棲志 志橋梁 卷三

北渚塢橋 在北渚塢

西河漾橋 陸家墩橋 俱在漳溪

戴家小橋 在官塘口

楊胡子橋 在陸家墩之東

棲鎮東柵口東往五杭博陸官塘支河各橋

日暉橋 在東茶亭之東

三分廟橋 在日暉橋北

郁家澗橋 在日暉橋東

牛眼睛橋 在浮梁殿側昔以兩小環橋八字跨列兩

堤宛如牛眼乾隆辛未辦差修橋改作平面非復舊

觀矣一稱龍眼睛橋內通句壘光緒十三年重建

跨塘橋 在官塘跨大河其西北為錦林村明景泰間

僧覺澈以鉢貲創建嘉靖間被倭患胡總制宗憲從

里人呂水山之請築敵樓二座於橋堦其南岸為張

烈婦佩蘭墓其西北岸即宋幼海名肇昌宅第今燬

雍正丙午李宮保衛重建咸豐兵燹燬光緒間官工

重建 按成化杭州府志以跨塘橋在博陸村者誤蓋博陸有雙橋亦跨塘其誤由此

落瓜橋 本名陸郭俗呼落瓜 康熙和縣志明萬歷間御史

陳心抑捐俸重修天啟間里紳徐大津作疏募修雍

正丁未李宮保衛重修乾隆丁丑

唐棧志 卷三 志橋梁

南巡時改名曰龍光橋咸豐庚申辛酉兵燬光緒間官工

重修鑄橋石曰龍光橋柱聯曰此處一名落瓜堰前

程十里古棠溪為郡紳丁丙所撰

徐大津灑募修落瓜橋文余家舊在語兒溪國初移居落瓜里桑柘茲土者二百餘年矣宅東有橋跨漕河孔道名曰落瓜橋仍里名也循而南達于仁和之  
上鄉放而至海北則吳興諸郡衝行而過此橋者牽緯之夫日數千百人焉萬歷中圯父老聚而欲新之而苦於無材大司寇陳心抑公入為治漕御史過而感焉即出橐金五百緡為倡橋以復御史北行鳩工者稍懈今纔三十年耳而南址大裂橋之麓其神曰利濟金侯數著靈奇里人家祝焉操豚蹄而至者趾相錯也而未嘗謀及橋余見之憮然曰此之人未知其所以事神也人之於神黍肉以厭之文繡以衣之歌舞以樂之其功德及於百姓耳其在君子以為人道也其在百姓以為鬼事也功德之所在神所職尤其黍肉文繡歌舞之貲以津梁萬物况漕神所職尤

在利涉大川今夫大河之濁流淮泗之洪濤龍門呂  
梁之湍險方將藉神之力量官艘無恙以抵太倉而乃  
令土人朝涉于門即黍內文繡歌舞日陳于前神豈  
享之耶時無陳司寇莫可告語雖然吾鄉數十里內  
名公鉅卿代不乏人安知無心司寇之心而為司寇  
之事者里中某忠信君子可以庀木石吾宗性定篤  
行衲子也可以任趨走余不敏短於才蹇於足拙於  
心計神焉用之大人審視命之曰爾為文乃再拜之  
因而為之疏 冥錫麒泊落瓜橋調寄江城子詞片  
帆瓜步記乘潮雨連朝月連宵冬瓜堰畔昨日小停  
繞一路趨人歸夢  
近流水響落瓜橋

渡船橋 在落瓜橋西北

孟家橋 在渡船橋西

白雲橋 在十都二十四畝白雲漾東與德清接壤

萬壽橋 即五杭高橋 在五杭村明洪武年重建 康熙和縣志 跨

唐棲志

志橋梁 卷三

三

大河橋北有利濟侯廟橋側有萬壽庵 棲里景物略

錦登橋 俗名魴尾橋在五杭村

玉露橋 在五杭村

彌陀佛橋 在五杭村洪武九年重建 成化杭州府志

興國橋 在五杭村西乾隆癸未里人重建

興隆橋 在五杭村乾隆甲申里人重建

博陸高橋 在大塘跨大河有橋二俗名雙橋雍正間

李宮保衛重建 按成化志萬厯志康熙仁和志誤

指此為唐棲鎮東之跨塘橋得此可以正各志之誤

通泰橋 在博陸村南 成化杭州府志



洪福橋 在博陸村東 成化杭

梁安橋 在博陸村 康熙和縣志

太平橋 在博陸村 萬曆杭州府志

永興橋 在博陸村南 成化杭州府志

興福橋 在博陸村東 成化杭州府志

壽安橋 在博陸村東 萬曆杭州府志

俞家橋 在博陸村 康熙和縣志

普安橋 在博陸村 成化杭州府志

長春橋 在博陸村西 洪武十四年重建 成化杭州府志

德星橋 在博陸村西 洪武十四年重建 萬曆杭州府志

唐棲志 卷三 志橋梁 三

永壽橋 在博陸村北 康熙和縣志

萬壽橋 在博陸村北 洪武年重建 萬曆杭州府志

五福橋 在萬壽橋西 成化杭州府志

豐年橋 在博陸村西 洪武年重建 成化杭州府志

清泰橋 在純一院西 洪武年間重建 成化杭州府志

五里橋 在慧日寺前 成化杭州府志

永豐橋 在慧日寺右 洪武初重建 成化杭州府志

孟子橋

永順橋 在萬壽庵北

北環橋 在河津蕩

舉鼎高橋 在運河北

棲鎮自裏新橋港往東北或西北各橋

港餘橋 在花五聖堂東

周家木橋 在周家漾西

俞庫子橋 在周家漾東

史家橋 在鬥牛橋東南上

廟橋 在錦林村廟前秀才橋南

秀才橋 在錦林村北

鬥牛橋 在港餘村東

福連橋 在新橋港北

唐棲志

志橋梁  
卷三

三

打網橋 在福連橋東

泥壩橋 在打網橋北

游平橋 在東市港口俗呼爲油平橋相傳元平章游

侶宅在此

普善橋 在東市港西俗呼破船橋

後鎮橋 在庫橋北普善橋之西北

南莊橋 在庫橋南舊迹有市河更鋪俗呼南鎮橋

庫橋 在鎮北三里許相傳爲平章游侶庫藏之所橋

之得名以此

白雲橋 有德清驛在橋西入德清界

馮如璋白雲橋晚眺詩石柱立崔巍溪灣鎖鑰開雲  
低孤鳥沒風急片帆來流水前村抱斜陽古戍頽高  
車良可誓誰  
是長卿才

馮園寄客曰土語稱唐樓地形如出水荷花比比  
墩阜非橋不通亦有無橋而專藉小舟者故橋有  
名而支河旋繞或不能舉其名此曹菽園周遜庵  
韓生江所志各橋不能悉根河港而創爲由鎮四  
達之例非得已也予非久居唐樓者足迹亦多未  
經敢異議乎惟以郡志邑志校正之其不見於郡  
邑志者則皆菽園遜庵生江三君子所遞爲補輯  
與近日子友夏容伯所指正者足以補郡邑志之

唐樓志

志橋梁  
卷三

三

略然邊界出入夢漏誠多後之君子其是正之

